

კალანდა

(ეთნოგრაფ. სურათი)
გურიის ცხოვრებიდან.

შედგენილი
მესხი კონსტანტინე გვარამაძისაგან.

ქ. ახალციხე
1907 წ.
სტამბა მარტიროს მარტიროსიანცისა.

კალანდა ¹⁾

(სურათი გურიის ცხოვრებიდან)

I

კალანდა და აღდგომა მაშინ გამიხარდება,
ჩემო ბატონო, რომ ბაღნები კარგათ მეყო-
ლება, თვარა ბაღნები თუ არ მეყოლება,
ნურამც გამთენებიაო, კი!..

გულნაკლულათ იტყოდა ირინე, იესსე
ჭრიახაძის მეუღლე, როდესაც კაი დღეების
მოლოდინში, მეზობელი ქალები მასაც გაუ-
ზიარებდენ თავიანთ საამო აზრებსა, და ირინე
კი, თავისი უხასიათო და ანჩხლი ქმრის გამო,
უკმაყოფილებას უცხადებდა იმ დროს თვა-
ლებიდან ცრემლებსაც აფრქვევდა... ეტყო-
ბოდა, დიდი გულნატკენი უნდა ყოფილიყო
ქმრისაგან.

იესსე ჭრიახაძე, ეკუთნოდა ბუნებითად
დაჭილდოებული გურიის ერთერთს, საუკე-
თესო სოფელს მ.-ს, რომლის მკვიდრნი

1) კალანდა, წლისთავს უწოდებენ გურულები.

მამაპაპურს ჩვეულებებს მცნებასავით ასრულებდნენ თავიანთს მშვიდობიანს სიცოცხლეში;

62 წლის მოხუცი იესესე კი, ბევრათ ჩამორჩებოდა თავის მეზობლებსა; რაც ხანში შედიოდა იგი, იმდენი უზნეურდებოდა ხოლმე თავისი ანჩხლი ხასიათისა გამო თავსაც ვნებდა და ცოლშვილსაც აწუხებდა... იმისთვის სულ უბრალო მიზეზიც საკმარისი იყო გასაანჩხლებლათ; განრისხებული, მაშინათვე დაიჩოქებდა, თავიდან კაბალახს გადიძრობდა, ხელებს მაღლა აღაპყრობდა და შეეხვეწებოდა: „წმიდაო გიორგი, ლომის კარელო, შენი სახელის ჭირი-მე!.. ვინც მე ტყულადი მამჯავრებდეს და მწუხებდეს, შეაწუხე იგი და მოსპე... ნუ გააგნებ ზეიმერ, ისთე მოუმჩქვლიე მას კისერი, მეც რომ კარგათ ვყოფილიყვე?..“

ასეთს ყრალს გადაცემამზედ ირინეც-აენთებოდა და მაშინათვე თით-განვდილი მანყევარსვე თავსა ანიშნებდა:

– შენ, შენ... შენ, მოგივიდა მაი წყევლა და გაგცვითა წმიდა გიორგიმ და მაცხოვარმან ღვთისმშობლის დედამარიამის წყალობითა, შე ბერახუა, შენაო...

ეტყოდა გაბრაზებული, და მაშინ აუტყდებოდათ გაუთავებელი წყენაც.

ოცდა ხუთმეტი წლის კიდეც ახალგაზდა ირინე, ისე დააზატრიანა ქმრის უხასიათობამ, რომ ძვალტყავათ გადააქცია და დაასნეულა საბრალო ქალი; ცოტა საწყენიცკი შლიდა იმის დასუსტებულს ორგანიზმსა, ისე დაანერვიანა... ერთი კარგი თვისებაცა ჰქონდა შეგნებულს ირინესა, რითაც თავს ისულდგმულებდა ხოლმე; ისე წაიყრუებდა თავსა, ვითომც არა გაუგონია რა ქმრის წყევლისაო.

– ვინც იცის, რა პირზედ და მთვარეზედ შეხვდება, „კოკა მუდამ წყალს არ ზიდამს,“ ერთხელაც არის ახთება წყევლა; თუქრობდა თავისთვის დაზატრიანებული ირინე, რომელსაც ძალიან ეშინოდა გადაცემისა.

ხშირად თავის შვილებსაც არიგებდა მშვიდობის მოყვარე ირინე, რომ თავიანთი ანჩხლი მამა არ აემიზებებიათ ხოლმე.

II

ქრისტიანობისთვე ისე დაილია, რომ ზამთრისა ნიშანწყალი სრულიად არ დასტყო-

ბია გურიის ბუნებასა; დარი, წვიმა, და ზომიერი სითბოები, რასაც შქერის, იელის და წყავის მუდმივი მწვანე ფოთლები დიდათ ხელს უწყობდა, ზაფხულს უფრო წარმოადგენდა, ვიდრე ზამთარსა; მაღალი, თხემლას ხეებზედ ახვეული მწვანე სუროს დაქანძული შავი ნაყოფის მსუქანი მტევნები ხომ როველის ჩხავერს (ყურძენია) მოგაგონებდათ, და „ეკალას“ წითელი, ლამაზი კურკანტელი მაისის ალუბალსა... ერთი სიტყვით, ზამთარი ზაფხულობდა...

საზოგადოთ, გურულს არ ეამება შობაკალანდა-ნათლილებს თუ ადგილობრივი მშვენიერი ტყიანი ბუნება თოვლით არ მოისპეტაკება; უთოვლობისგამოკი, ხშირათ საყვედურობს, იგი: „წროულს, ვერაფერი. კალანდა დაგვიდგაო...“ თითქოს, ახლაც მზათ იყო ასეთი საყვედურების თქმისა რომ უკანასკნელს ჰაერის ცვლილებას, ხელი არ შეეშალა ამისთვის...

თვის დამლევს, რომელსაც გურიაში „ცხემლაჭრა-ს“ ეძახიან, დილიდგანვე, დაჰბერა „ლხინო“-ს მთის წვერებიდგან ცივმა ქარმა; დაღრუბლა და დაინყო ბარდნა; საათნახევარში ადლი თოვლი დასდო.

– აგია, აგი, – დადგა სამოყვრო დარი!!
დასძახეს მხიარულათ გურულებმა და შეუდგნენ საკალანდო თადარიგსა.

III

– მნეი... ნეეი... ნეეეი!.. მნ... მნ...
მნ!.. ლიტ, ლიტ!!!

– გაისმა ხმა დილის ფიფქვს თოვლში, იესეს ოდის უკანა, სადაც თხელი ჩითის კაბის ამარა, ფეხშიშველა, 12 წლის თეფრონია (იესეს ქალიშვილი) კალათით ხელში, სიმინდის ჩხარუნით, დისაკლავს ღორებს უხმობდა, რათა შეუტყუებია საღორეში... ირინე „სასუქში“ ქათმებს არჩევდა დასაკლავათა; იესეს კი გაძრიელებულ ცეცხლზედ წყლიანს კარდლებს ჰკიდებდა მათ გასაფუფქათა. რა მოითავეს საკლავი – ნამცხვრების ცხობას შეუდგენ; ერთიმეორის მიხმარებით ოჯახის უფროსებმა, მალე ათი-თორმეტი ხაჭაპური მოზილეს და გამოაცხეს, მაგ.: სულზედ თითო, – „საკალანდო“, „დედო ხაჭაპური“, ანუ „საფერხავი“,

„საჩიჩილაკე“, „სააგუნაო“, „საიმეხაშმო
სალოცავი“ და „საცხემლიჭრო“...

დილიდანვე, კონია (იესეს უფროსი,
20 წლის ვაჟი; ორიც წვრილი ჰყავდა, 8 წ.
ვანიე და 5 წლისა პეტრიე,) ქედის ტყეში
გააქციეს „ჩიჩილაკი“-ს მოსათალათა; შემდეგ
კი ოზურგეთში, – საკალანდო საჭიროებისთვის
საყიდლადა. იმ დღესვე, მiasწორ მოასწორეს
წვრიმალე ვალებიც, რომ ახალნაკალენდევით-
სათვის არ დარჩენოდათ გადასახადი, რათა
შემდეგ ხელს არ გადაჰყოლოდა...

სალამოს, ნათელბნელში „ცხემლა“ც მო-
სჭრეს, დააპეს და ოდის ასავალ კარებთან
დათაკრეს დილისთვის დასანვაათ; მერმე,
ვახშმის მზადებას შეუდგენ... მთელ დღეს
ოჯახის უფროსებს და უფროს ქალ-ვაჟს, არ
შეუსვენიათ სასაქმოდან. პატარა ვანიე და
პეტრიეც კი დილიდან სალამომდის თოვლში
შეუსვენლათ იგანგლებოდენ და თამაშობდენ
ცალკე თოვლისა და ცალკე კალანდის სიხა-
რულითა. ხშირათ, სამზარეულოშიაც შერბიგა-
როდენ, ხან ცეცხლზედ სათბობათა და ხან
საკალანდო სამზადისის სააღერსოთა; მარა
უფროსნი უწყრებოდენ, რომელთაც ხელს
უშლიდენ... მაშინ ყმანვილებიც გარეთ თო-
ვლსა აშურებდენ ხოლმე უვილ-ხივილითა.

„ცხემლიჭრა“ გურულებისთვის დიდი
და საამო საგრძნობელი იყო... ირინესაც,
ისე კარგათ არადროს არ უგრძენია თავი,
როგორც იმ დღეს; მას უხაროდა ის, რომ
შვილებისათვის საკალანდო სამზადისი უხვათ
ჰქონდა, ზედმეტათ კი ახალისებდა ქმრისაგან
იმ დღეის შვილების გადაუცემლობა.

იმ ღამეს, დიდებული ვახშამი მოამზადეს,
ილოცეს და შეექცენ გემრიელათა.

IV

ნავახშმევს, უფროსნი „გასალოცავი
საფერხავის“ და უნცროსი ჩიჩილაკის მართვა
განყოფას შეუდგენ... ყველას კმაყოფილება
ეტყობოდათ სახეებზედ.

უფროსებმა, „ხელგობა“-ზედ დასდვეს
„დედობაჭაპური“, და ზედ „ნაზარდი“-ს თავი
წამოაყუყეს, გვერდზედ, საინით სიმინდ-ლომი
დაუდვეს, რაშიაც ერთი კვერცხიც ჩაფლეს;
მეორე საინით ოქრო ვერცხლის ნივთები და

რამდენიმე გროშიც მოათავსეს სანთელ-საკმე-
ლითურთ, და სტოლზედ ისე დასდგეს დილისა-
თვის გასალოცათა. საკალანდო ღვინოც მიუდგეს.

ყმანვილებმაკი შემდეგით მორთეს ჩიჩა-
ლაკი, რომელსაც გარშემო ბუზივით შემოხვეო-
დენ. აშინშხლულს თასმებზედ ჯერ ჩამოჰკიდეს
კამფეთები. რასაც სურო-კურკანტალი ამშვენიე-
რებდა. – ნვეროზედ, ჯვარედინათი ნანვეტინე-
ბულ ჩხირებზედ დააცვეს: საჩიჩილაკე ხაჭა-
პური, ფორთოხალი, ვაშლი და ბრონეული.
ზემოდან კი აბრეშუმის ბონონოები მოაფი-
ნეს და საფერხავთან ისრე დააყუდეს მონყობილი
„ბასილას ნვერი...“

– რალამაზად უხდება, ნენავ, სუროკურკან-
ტალი!.. – შეხარბებით წამოიძახა თეფრონიამ,
როდესაც ბავშვები ჩიჩალაკსა რთობდენ, იმდროს
დედასკი ყურადღება არცკი მიუქცევია ქალი-
შვილის ლაპარაკისათვის, „საფერხავის“
განწყობაში გართულსა. – აი კამფეთები ჩემია
ხომ, თეფრონია, – შეხარბებით წამოიხმაურა
ხრინიანის ხმით ვანიემ, რომელსაც ეტყო-
ბოდა ძილი მორეოდა.

– ალლა, ცემია... – სწრაფლ დაეპატრონა თვალ
დახუჭული პეტრიე, რომელსაც ძილში ჩასმე-
ნოდა და ატირდა კიდევ იატაკზე გაგორებუ-
ლი ბავშვი.

– არა, შენია, ნენავ, შენი, – სწრაფლ მიაძახა
გასაჩუმებლად დედამ, და ადგა კიდევ
ქვეშაგებლის დასაგებათ, რომელიც ის
იყო მორჩენილიყო საფერხავის
განწყობასა.

– რეიზა ტანთ არ დააძრობ, მაგ ბალნებსა,
ცავ, საცოდავათ რომ დაყრილი არიან პოლზედ
და დასძინებინ... რა ხანია, თუ იცი მამა-
ლმაც იყივლა!.. თან ეუბნეოდა იგი თებრო-
ნიასა... – თებრონიამ წამზედ აასრულა
დედის ბძანება და წამოხტა, სწრაფათ დააძრო
ტანთ, ჯერ პეტრიესა, შემდეგ ვანიესა და
ორთავ ბავშვები შეაგორა ქვეშაგებელში.

– შენ, რაღას უყურებ კონიავ, იალო-
ნზედ ასადგომი ხართ, ადე-ზედ, დანევი!..
მიუბრუნდა უფროს ვაჟსაც დედა, როდესაც
ქვეშაგებლების დაგება მოითავა.

– პანაი მაცადეთ, ოჯო! – მიუგო პა-
სუხათ დედას კონიამა. რომელიც ჩიჩალაკის
განწყობას მორჩენილიყო და თოფსა სწმენდა-
ვდა დილისათვის სასროლათა.

ამის შემდეგ, დიდი ხანი აღარ გაუვ-
ლია, რომ იესუს ოჯახობაც მეზობლებთან
ერთათ ღამის განსვენებას მიეცა.

V

გათენდა. ცა ლურჯათ მოკრიალებული-
ყო და ყინავდა. დილაბნელს, როდესაც
ცისკარი კიდევ ჰქრთიდა და რიჟრაჟის ძალა
კი ამქრალეზდა მას, იმ დროს, ყველა გუ-
რული გალოცვაზედ იდგა და დიდებულს მა-
მა პაპურს ჩვეულებას, მხიარულათ ასრულებ-
და; ყოველგან თოფების გრიალი ისმოდა.

იესე ჭრიახაძეც თავისი შვილებითურთ,
გამოსულიყო გარეთ, ყინვაში, მარანზედ და
კაბალახგადამძვრალი მისჩოქოდა სანთლებით
გაბჟღერიალებულს საფერხავს და ილოცვიდა
ჭურისთავზედ: ცალ ხელში სანთლები ეჭი-
რა, როგორც ყმანვილებსა, და მეორე ხელით
კი საფერხავზე ყველაფერს აბრუნებდა ნიშნათ
კეთილი წელიწადის მობრუნებისა, შემდეგი
სიტყვებითა: „წმიდაო ბასილე მამამთავარო,
შენი სახელის ჭირიმე, მშვიდობით მომივლი-
ნე მრავალი ამისთანა კალანდა, ჩემი ბაღნების
და ქალის სიცოცხლითა და კარგათ ყოფნი-
თა, მომეცი შენი წყალობა ბრევლი – ყოვე-
ლიფერი... გვაჭამე მშვიდობით, სიკვდილით
რო არა გაგვჭირებოდეს რაო... აღმიზარდე
ჩემი ბაღნებიც კარგი ნასტავლი და სტუდე-
ნტები!!.

იმ დროს თან საკმელიც დააკვია,
შვილებსაც დააკმევია „ნატეხარაზედ“ ყინვისა-
გან წითლით გაჭერებულს ნაკვერცხალზედ,
და ხუთიოდე წამის შემდეგ პროცესია გაემა-
რთა სახლისაკენ, რომელიც ათიხუთმეტი ნა-
ბიჯით მოშორებულიყო. წინ, პეტრიე და
ვანიე ჩიჩალაკით ხელში მიაამსხვრევდენ გაყი-
ნულ თოვლსა, რომელნიც თან თვალიდგან
დილის სუსხში ცრემლებს აფრქვევდენ შეცი-
ებულნი; მათ, უკან, მისდევდა საფერხავით
ხელში იესე, და თან უწყრებოდა, რომ არ
ეტირათ ბავშვებსა, რომელიც თან არწმუნე-
ბდა, კალანდას არ ვარგა ტირილიო...

მას გვერდით, მისდევდა თოფით და ლაგი-
ნათ ხელში კონია, რომელიც მალ მალ შე
სჭყეროდა წვერთეთრსა მისი სასოებიანი
ლოცვის გამო, რომელიც თან ფიქრობდა თა-

ვისთვის; ე აშენებული შვილი, რაღაიზა იწყე-
ვლება ხოლმე, როდესაც ამისთანა ლოცვა
კი შესძლებიაო...

– კარი გაგვიღეთ, დაუძახა პროცესიამ,
როდესაც მიაღვა სახლსა, და კარი და-
კეტილი დახვდათ.

– რა მოგაქვთ? – გამოსძახეს ოთახიდან
ქალებმა ირინემ და თებრონიამა.

– წმიდა ბასილე მამამთავარი მობძან-
დება, დაიწყო და თანაგრძნობითვე განაგრძო
მოხუცმა იესემ: – თან მოაქვს ღმერთის
და ხელმწიფის 1) წყალობა!.. თეთრი და საქო-
ნელი, ოქრო და ვერცხლი ბროველი და, ნა-
მუშიერი მრავალი; ასი ურემი სიმინდი, ორა-
სი ბედელი ღომი; სამასი ჭური ღვინო, ჯო-
გათ ძროხა-ხარი, ცხრა ბედაური ცხენი, ცხ-
რა ბედაური ქორი, ბროველი ყოველიფერი,
კარი გაგვიღეთ?!

სამჯერ გაიმეორეს ასე, და ბოლოს გაუ-
ღეს კარი. პროცესია რომ შევიდა წყობრივ,
კარებთან ქალები დახვდნენ, რომელთაც კალ-
თებზედ ხელებს ახებდნენ და თან ულოცავ-
დნენ: მრავალ კალანდას დაესწარით მშვიდო-
ბით, სიკუტილით რომ არა გაგჭირებოდესთო.
სამაგიეროთ, დამხდურნიც ულოცავდნენ. პრო-
ცესიამ სამჯერ შემოუარა ოთახში და ბო-
ლოს საფერხავი და ჩიჩალაკი სტოლზედ მო-
ათავსა. საფერხავიდან იესემ აიღო ღომი

1) მხოლოდ ახლაკი ვერაფერ წყალობას (ას. ამწყ.)

და სიმინდი; ჯერ ოთახში და შემდეგ გარეთ,
სამზარეულოში და ეზოში, მოაბნია შემდეგი
სიტყვებით; გვიმრავლე ქათამ-ბატი და ნა-
მუშიერიო... შემობრუნებულმა კი წინლამით
დაპობილი ცხემლის შეშები შემოიტანა ოთა-
ხში და ბუხარში1) ცეცხლი გააძრიელა შემდე-
გი სიტყვებით; შენც ბრეველი კალანდა მოგი-
ბრუნოს მშვიდობითა, ჩვენი სიცოცხლითაო...
დანარჩენებმა, თითო ოროლა ნაპობი ამ რიგათ
დაამატეს და თოფიც დააგრიალა ბალკონზედ
კონიამ ნიშნათ გალოცვისა.

შემდეგ ირინემ, საფერხავიდან ააღაგა
ნივთები და ყველა თავის ადგილას შეინახა;
და შემდეგ შეუდგა ტანთ ჩაცმას, ეკკლესია-
ზედ წასასვლელადა. იესემ ძროხებისათვის
ჩალის მისართმევად გავიდა, და რო მობრუნდა,

კონია კიდევ თოფს ისროდა, რომელსაც ბავშვები შემოხვეოდა გარსა... იესსე კიბეზედ რო ამოვიდა, უცბათ თოფის კონდახი მოართყა ყბაში მობრუნებულზე კონიამა; ამაზედ, იესსემ იჭყესა საშინელათ, წამოავლო ნაპობს ცხემლას ხელი და გამოეკიდა შვილსა, რომელიც ოთახში შევარდა.

1) ცეცხლ თაყვანის მცემელდროდან დარჩენილა.

– მოგხთა ყბაში ტყვია და მწყერსავით გაგაგდებია სული, შე მამაძაღლო, შენა... ო – უძახოდა თან იგი. – თოფით კონიამ ოთახში შევარდნა მოასწრო, სადაც დედა დახვდა განმზადებული, საყდარზე წასასვლელად; ის მანყევარს გადაეღობა წინ, სასწრაფოთ აართვა ხელში ნაპობი შეშა, და შემდეგ კი კინალამ ჯავრისაგან ძირს არ დაეცა. კონია განისკარიდან გადახტა და საყდრისაკენ გასწია. ირინემ კი თვალთაგან გადმოუშვა ღვაპლვაპათ ცრემლები...

– რას შრობი, ნენავ, არ წავიღეთ საყდარზედ... – ადე, ზედ... ეჭიჭინებოდენ მორთულმოკმაზული ბავშვები დედასა, რომელსაც თავზედ ხელი შემოედო კარებში ჩამჯდარსა და ღრმა ფიქრებს მისცემოდა.

VI

წირვა დასრულდა. მორთულ მოკმაზული ხალხი ეკკლესიის ეზოში მხიარულათ პროტავდენ ერთმანეთს და დღესასწაულს ულოცამდენ.

მაღე მონიფული ყმანვილები ეზოს გადაღმა მინდორზე „შედლუხს“ მიეცნენ. ერთ მხარეს ზეგნიერები, მეორეს – დაბლიერები თოფით ხელში; იმათ, მალლა ჰაერში, რიგით დაინყეს სროლა. ხალხი სეირათ გადაიქცა.

– გაჯობეთ ხომ, ზეგნიერებო, აჯავრებდენ თან სროლაში, დაბლიერები. – რაფერ, წამალი რო გამოგელით მიზა გვაჯობეთ თუ!.. – პასუხობდენ ზეგნიერები და უხშირებდენ სროლას.

ხალხის სიამოვნებას საზღვარი არა ჰქონდა. პატარა ხანს კიდევ და, ხალხის უსაზღვრო სიამოვნება, და თოფის სროლა, – წივილ-კივილზედ შეიყვალა.

ვილაც ყმაწვილკაცმა, მალე, მის წინ მდგარ ჩქოლაზე გადმოქიმა თავი და სასიკვდილოთ დაბავდა პირსა. ეს გახლდათ კონია, იესსე ჭრიახაძის უფროსი ვაჟი, რომელსაც ყბაში მოხვედნოდა უცბათ ვინცლას გასროლილი ტყვია.

როდესაც ჯალამბერით მიასვენეს სახლში და დედამ დაინახა მოკლეული შვილი, – უგრძნობლათ დაეცა და ენა ჩაუვარდა; გრძნობა მიხდილი, სუნებლებით და წყლის შესხებით ძლივს მოიყვანეს გონსა, მარა ენა კი ვერ ამოადგმევინეს. მოგრძნობიერებულს სურდა საჯაროთ გაემულაუნებია ქმრის, საიდუმლოება, რომელიც მას სტანჯავდა ის ნაკლი, რითაც მას შვილი მოუკვდა; მარა ენა არ ემორჩილებოდა, რის გამო ისეც გამწარებული ქალი ლილლიდით შეწუხდა უფრო.

ადგა, ვანიეს სანიგნედგან ამოიღო მან ქალაღდ-სანერი, რაზედაც შემდეგი სიტყვები დასწერა: „ბატონებო! დღეს, დილას, აილონზედ, ჩემმა მანყევარმა ქმარმა გადამიცა სასიკეთოთ მოსწრებული შვილი, შემდეგი სიტყვებით: „მოგხთა ყბაში ტყვია, და გაგავდებია მწყერსავით სულიო“!.. რაიცა ასრულდა.

დამსწრენი დიდათ შეაშფოთა ამ წერილმა. ყველამ ერთხმით დაიძახა მწუხარე ხმითა: დასტურ, „კვიმატ დღეს არ გადიცემა მიყვასიო!..“

მესხი კონსტანტინე გვარამაძე

აპრ. 15-სა, 1902 წელსა
კოლონია ბლიუმენ-ფელდი (ხერს. გუბ.)

რ. ს სიტყვების ახსნა გარეფოთოლოზედ

ზოგიერთი სიტყვის ახსნა:

ბასილას წვერი – ჩიჩალაკს ეძახიან.

კარდალი – დიდი ქვაბია.

ლაგინა – პატარა დოქი.

ლომის კარელი – ძრიელი ხატია გურიაში.

ნაზარდი – მოზდილი გოჭი.

ნატეხარა – ქოთნის ნატეხი (ნაკვერცხალის დასაყრელი).

„სააგუნაო“ – აგუნაზე გასალოცი, აგონი გამართობი ღმერთი კერპობის დროიდან; ამას

დღესასწაულობენ გურულები ახალწლის საღამოს.

სასუქი – მოლობილი ძაროა გასასუქებელი ქათმების დასანწყვრევათ.

საკალანდო ღვინო – საუკეთესო, თავი ღვინო. ფიფქი თოვლი – ახალი ნათოვლი.

შედლული – თოფების სიმრავლით აღმა, წყობრი სროლა.

ჩიჩლაკი – თხილის შტოა სიგძით 1½ არშ., რომელსაც ერთი თავიდან მეორე წვერამდის მახვილ დანით ზოლებსავით ათლიან; ანათალი წვერსავით დაეფინება. ამას წა. ბასილის წვერის მოსაგონებლად ამზადებენ.

ჩქოლა – ახალგაზდა ბუჩქი.

წმ. ბასილიმამთავარი – ღორების მცველია. ისყიდება ყველგან, წიგნის მალაზია.

სტანტინე გვარამაძის შემდეგი წიგნსაკერი.

სტანტინე გვარამაძის შემდეგი

- 1) გამიჯნურებული ქალვაჟის ლექსი . 5 კაპ.
- 2) მესხური ლექსები 5 –
- 3) ათას ცხრაასი წლის სახსოვარი 5 –
- 4) ანდაზები და გამოცანები (ნაწ. 1-ლი) . 10 –
- 5) აბესალომ და ეთერი 5 –
- 6) მგზავრი ამხანაგი (путеводитель) . 10 –
- 7) სარკე გურულთა ცხოვრებისა 5 –
- 8) როპის მოგზაურობა საქართველოში . 30 –
- 9) თამრო ჰარამ-ხანაში 20 –
- 10) იაკ. იოს.-ძე ლაზარაშვილი 10 –
- 11) სარტო, რომის პაპი (სურათი) 5 –
- 12) ბათომის ქართ. კათ. ეკკლესია ფ. ბლ. 3 –
- 13) კალანდა 5 –
- 14) ნაღდზედ მყიდველი 30% დაეთმობათ

უმთავრესი სანწყობი ავტორთანაა, ახალციხეში.

მომზადებულია დასაბეჭდათ გვარამაძისვე ნაწერები:

- 1) მოლალატენი, (მოთხრ.) გურიის ცხოვრებიდან.
- 2) ბედკრული ოჯახი, (მოთ.) სამეცხეთოს ცხოვ.
- 3) უდანაშაულო მსხვერპლები, (მოთ.) გურ. ცხოვ.
- 4) გაჰაიასტანებული საქართველო, კრიტიკ. მიმოხ.
- 5) გურული სიტყვათა ლექსიკონი
- 6) ნაკადული, (თარგ.) კავკასიელთა ცხოვრებიდან.
- 7) თავისუფლებისათვის წამებულნი (რევილიუც.)